

Rau Tau Paulus Iboode Pa Yes Tesalonika Imin Maata 1 Tesalonika—1 Thessalonians

¹ Yau Paulus. Yeiru Silas ve Timoti nibood rau tane ilat pa lupuuŋ to Krisi tau aleep izi nugh Tesalonika. Yam tau apaak Tamaan Maaron ve Tiina toit Yesu Krisi, ve aleep ila toozi na. *

Poia to Maaron izaa tsiam, ve injin gham aleep poia toman lolomim luuma. Onoon.

Yes Tesalonika titotoi ghuruuŋ ila toozi ivot ighazooŋ

²⁻³ Saawe isov, yei nipapait Tamaan Maaron pa yam asov toman lolomai poia kat, ve nighurghur gham ila sunjuuŋ tsiei, ve matamai ingalŋgal ḥgar popoia tau yam aghamgham zi na. Pasaa, yam aghur ila to Krisi ariaaŋ, tauta ipaburigin gham pa ghamuuŋ uraat popoia naol. Ve lolomim pa tamtamon ve aghe agham poghani zi, tauta aghamgham uraat tiina pa uleen zi. Ve yam awatagh aghe Tiina toit Yesu Krisi pale imuul ilam ve igham mulin gham. Tauta ayooz ariaaŋ pa badoon patajani, ve aghurghur matamim pa muleen̄ tooni. *

⁴ Yam tonjetaz, yei niwatagh: Maaron loolo ighineen tsiam kat, ve isiigh gham amin i le wa. *

⁵ Pasaa, saawe tau nilam ve nivotia vaaru poia payam, ene saveen̄ mon tau ilat ne mako. Saawe

* **1:1:** Mban 17:1-13 * **1:2-3:** 1Kor 13:13; Kol 1:4+; 1Tes 4:14+

* **1:4:** 2Tes 2:13

tana, Maaron itotoi tauu tapiri payam, ve Avuvu Patabuyaan igham uratoi gham. Ve aghilaal aghe saveen̄ tau nisavia payam na, yei nighur ila kat. Ve yam taumim awatagh: Saawe tau nileep tomani gham, yei nitotoi ̄ngar to Krisi payam, leso niuul gham to ataghoni. *

⁶ Onoon, saawe tau yam aloon̄ saveen̄ tsiei ve aghur ila, tamtamon tigham patajani tiina payam. Eemon Avuvu Patabuyaan igham gham lolomim poia le poia kat. Ve yam ataghon katin ̄ngar tsiei, ve ̄ngar to Tiina toit Krisi paam.

⁷ Tauvene yam amin totoyaan̄ poia ee pa tamtammon tisov to Masedonia ve Akaia tau tighur ila to Krisi na. *

⁸ Yam amin belo tau tiseñi gha luutu irau nugh. Pasaa, yam agham saveen̄ to Tiina toit, ve asakia ila irau taan̄ sirivu to Masedonia ve Akaia. Ve tane mon mako. Ghuruun̄ ila tsiam tau injarui Maaron na, ene vaaru ilaan̄ irau nugh tisov. Tauvene lemai saveen̄ eta to nisavia pazi muul mako. Pasaa, varumim ta tiloonja wa. *

⁹ Tauvene eval tiina tisasavia varumim tighe saawe tau nilat ve nileep tomani gham, yam aloon̄ saveen̄ tsiei, ve aghur murimim pa maaron karom̄ja, leso abees pa Maaron tauu. I Maaron tau ileep maata yaryaare irau saawe. *

¹⁰ Ve tisavi gham tighe yam asasañan Maaron Naatu tau i ipaburigini pa mateegh na. I pale ipul sambam ve izilam to igham mulin ghiit pa aatyavyav to Maaron tau murei pale ivot. *

* **1:5:** Ro 1:16+; 1Kor 2:4, 4:20 * **1:7:** 1Tes 4:10 * **1:8:** Ro 1:8 * **1:9:** Mbañ 14:15 * **1:10:** Ro 5:9; Pil 3:20; 1Tes 5:9; Tit 2:13

2

Paulus maata ingal uraat tau i ighamu izi Tesonika na

¹ Yam toñvetaz, yam awatagh: Saawe tau nilat itinja taleep, nirav taumai sorok pa uraat mako. Uraat tsiei ighur anooŋa. *

² Yam aat matamim ingal. Saawe tau nigham uraat izi nugh Pilipai, tighur yavyavuuŋ tiina payei ve tipamayanjin ghei kat. Ve saawe tau nilat gha nigham uraat izi nugh tsiam, tamtamon katini tizoor saveen̄ tsiei, ve tigham patajanji tiina payei muul. Eemon Maaron ipalot ghei, tauta niroi mako, ve niyooz ariaan̄ pa votiaan̄ vaaru poia payam. *

³ Uraat tsiei to palottiŋ tamtamon leso tighur ila to Krisi, ene ŋgar yon̄gaan̄a eta igheen ila loolo mako. Yei nipaghau tamtamon pa eez to Maaron mako, ve nigham karom eta mako. Yei nisasavia saveen̄ onoon mon, ve nisavsaav toman lolomai. *

⁴ Maaron ighit ghei ighe yei nirau uraat. Tauta inumeer ghei, ve ighur uraat to votiaan̄ vaaru poia ila nimamai. I igagabiiz ghei, ve ighita ŋgar isov tau igheen ila lolomai. Tauvene saawe tau nivotia vaaru poia pa tamtamon, ighe lolozi poia pa uraat tsiei, ma lolozi poia pani mako, ene nigham ŋgar pa gabua tauvene mako. Yei nighe Maaron ighita uraat tsiei ve loolo poia pani. *

⁵ Ve yam awatagh: Saawe tau itinja talepleep, yei nigham saveen̄ ŋgoreen̄ payam to nigham lolomim mako. Ve nipamir taumai pa uraat, leso agham

* **2:1:** 1Tes 1:5, 9 * **2:2:** Mbaŋ 16:19, 17:1-10 * **2:3:** 2Kor 2:17, 4:2 * **2:4:** 1Kor 4:1+; Ga 1:10; Tit 1:3

lemai gabua ne mako. Ila Maaron maata, saveenj tsiau tane, ene onoon. *

6 Ve yei nigham uraat tane leso yam, ma tamtammon siriv apait ezamai ne mako. *

7 Onoon, yei mbañooŋa to Krisi. Tauvene yei irau niyaryaan̄ payam to ataghon ḷgar tsiei ve agham uleen̄ siriv payei. Eemon nigham tauvene mako. Saawe tau nileep ila sosomim, yei ningin gham poi, imin payamyam tinazi tau irarar pa tauu natŋa. **8** Pasaa, lolomai igheen tsiam kat. Tauta nighe le nivotia vaaru poia to Maaron payam. Ve tane mon mako. Yei nighe nirei taumai pa uleen̄ gham paam. Pasaa, lolomai payam kat. *

9 Yam tonjetaz, yam aat matamim ingal. Saawe tau itiŋa talepleep ve nivotia vaaru poia payam, mbon ve mataaz, nirav taumai pa uraat. Leso nigham maet rig to iuul ghei pa lepoogh tsiei, ve nigham pataŋani payam sov. *

10 Tauvene ḷgar tau nigham payam na, tau-mim aghita ve irau asavia. Ve Maaron ighita paam. Yam tau aghur ila to Krisi na, nigham sosor eta payam mako. Yei nigham ḷgar patabuyaan̄ mon tau iduduun̄ ila Maaron maata, ve iduduun̄ ila tamtammon matazi paam. **11** Yam awatagh: Yei nigham ḷgar payam imin ḷgar tau tamaan̄a tighamgham pait. **12** Pasaa, yei nipalot gham, leso ayooz tuŋia. Ve saawe tau pataŋani igham gham, yei nirav atemim. Ve avomai iyaryaan̄ payam nighe: Maaron igham poghani gham, ve

* **2:5:** Mban 20:33; 2Kor 2:17 * **2:6:** Yo 5:41, 44; 2Kor 4:5

* **2:8:** 2Kor 12:15; Pil 2:17 * **2:9:** Mban 18:3, 20:34; 1Kor 4:12; 2Tes 3:8

ipoi gham to aleep ila pooz tooni loolo. Leso murei aleep ila mbonari loolo izi nugh sambam. Tauvene yam aat ataghon ɳgar tau Maaron loolo pani, o laghoonj tsiam iduduunj pa poia tooni tiina tau izaa tsiam na. *

Yes Tesalonika tiyooz ariaanj pa badoonj patajanji

¹³ Puughu ite tau nipait Maaron toman lolomai poia, ene vene: Saawe tau nivotia Maaron aliiŋa payam, yam aghita saveenj tsieij imin saveenj sorok to tamtammon ne mako. Yam aghur talinjamim pani poi, ve aghilaal aghe ene Maaron tauu aliiŋa. Tauta aghur ila. Ve aazne, saveenj tana ighamgham uraat tiina ila yam tau aghur ila na lolomim. *

¹⁴ Yam tonjetaz, ɳgar tau ivot payam, ene raraate imin ɳgar tau ivot pa yes tau titaghon Yesu Krisi ve tileep ila lupuunj to Maaron izi Yudea. Pasaa, zeran tau yamija nugh eemon na, yes tighurghur patajanji payam, raraate imin yes Yuda tighamgham pa lupuunj to Krisi tau tileep izi nugh toozi. *

¹⁵ Aghita. Muunj, yes Yuda tirav propet siriv timatmaat, ve tirav Tiina toit Yesu imaat paam. Ve yei paam, tighur patajanji payei, ve tiziir ghei nighau pa nugh toozi. Yes tighur koi pa tamtammon tisov. Tauvene ɳgar tau tighamghamu na, ene irau Maaron loolo mako. *

¹⁶ Ve gabua ite. Yei nighe nivotia Maaron aliiŋa pa yes tau Yuda mako na, leso Maaron igham

* **2:12:** Ep 4:1; Pil 1:27; Kol 1:10

* **2:13:** Ga 1:11+; 1Tes 1:5

* **2:14:** Mbaŋ 17:5+; Hib 10:33+

* **2:15:** Mt 23:34+; Mbaŋ 2:23

mulin zi paam. Eemon yes Yuda loloz pa ñgar tane mako. Tauta titovtoova to tipoon eez payei, leso nivotia Maaron aliija pazi sov. Ñgar sasaghati tau tighamgham zi na, indoundouu ila ila le ipas puughu. Tauta aatyavyav to Maaron izaa toozi wa. *

Paulus ighe ighita yes Tesalonika muul

17-18 Yam tonjetaz, yam awatagh: Yes Yuda tireu ghiit, tauta rekia mon yei nipul gham, ve sooso rig tane, taleep soghan soghan pa tauun. Eemon lolomai, ene igheen tsiam, imin tamtamon tau naatu ileep soghan pani, ve ipasawal pani ighe le ighita. Tauvene ñgar tsiei iyaryaan nighe nilat nighita naghommim muul, o poia. Saawe naol, yau Paulus natovtoova naghe nalat naghit gham. Eemon Neer Saghati iponpoon eez payei. *

19 Aghita. Saawe tau Tiina toit Yesu Krisi imuul ilam, yei pale nighur matamai pa saa gabua? Ve saa ta pale nipakur ghei pani, ve igham ghei tintinmai ila i naagho? Ve saa ta pale imin puughu, leso i igham lemai atuya poia? Ene yam! Pasaa, uraat tsiei anoorja, ene yam tau! *

20 Onoon kat. Yam ta agham ghei nipakur ghei, ve tintinmai kat.

3

Paulus ipaes pa puughu tau imbaaj Timoti ila igig yes Tesalonika

1-2 Saawe tau nileleep izi nugh Atens, yei nigham ñgar naol payam nighe: Yam aleep poi, ma

* **2:16:** Mbaj 13:45, 50, 17:5 * **2:17-18:** Ro 1:13, 15:22 * **2:19:** Pil 2:16, 4:1

mako? Nileep le mako, tauta nimbaan̄ ton̄vetaz toit Timoti ilat payam. Ve yei siriv, nileep izi ta sene. Timoti yen̄a niluplup ghei pa uraat to Maaron, ve nivovotia Krisi vaaru. Tauta nimbaan̄ ilat payam, leso ipalot ghuruun̄ ila tsiam, ve ayooz ariaan̄.*

³ Pasaa, niroi pa patajani tau ighamgham gham na, pale itok tamtamon tsiam siriv, ve tipul ghuruun̄ ila toozi. Eemon yam awatagh: Iit tau tataghon eez to Maaron ne, aat tabaad patajani tauvene. *

⁴ Pasaa, saawe tau itiņa talepleep na, yei nisaav payam pataghaan̄ wa nighe: “Ayamaan gham. Pa tamtamon pale tighur patanjani pait.” Saveen̄ tsiei tana ighur anoonja gha aghita wa. ⁵ Tauvene saawe tau naleep izi Atens, yau nagham ŋgar naol payam. Naleep le mako, tauta nambaan̄ Timoti ilat. Leso igabiiz ghuruun̄ ila tsiam: Iyaryaan̄, ma mako? Pasaa, naroi kat. Pa ighe Neer To Tovaan̄ * itoov gham ve atap, ene pale uraat tsiei ighur anoonja mako. *

Paulus ilooñ yes Tesalonika varuzi le loolo poia kat

⁶ Tauta Timoti ilat igig gham. Ve ŋgarig gha i ilam ivot tsiei muul, ve ipaesia varumim poia payei ighe yam akis ghuruun̄ ila tsiam tunja, ve lolomim igheen to Maaron ve tamtamon paam. Ve isaav payei ighe yam lolomim poia pa saawe tau nilat nileep tomani gham ve itiņa taluplup ghiit

* **3:1-2:** Mbañ 17:15 * **3:3:** Yo 16:33; Mbañ 14:22; 2Tim 3:12

* **3:5:** Neer To Tovaan̄ ene Sadan eeza ite. * **3:5:** Pil 2:16

na. Tauta apasawal payei irau saawe aghe le aghit ghei muul, raraate imin yei paam lolomai nighe le nighit gham. *

7-8 Tauvene yam tonjetaz, onoon, aazne patajani tiina igham ghei, le niil eez kat. Eemon saawe tau nilooŋ varumim tighe yam ayooz tuŋia, ve aghur ila to Tiina toit ariaan, ene ipalot ghei, ve igham ghei lolomai poia kat.

9 Tauvene saawe isov tau nisun il Maaron toit maata, ve matamai iŋgal gham, yei nipaiti pa poia tooni toman lolomai poia kat. Eemon nilil pa savaaveen. Pale nisavia saa saveen, leso itotoi lolomai poia tane? Pasaa, saveen eta irao mako. **10** Mboŋ ve mataaz, yei nisunsaŋ Maaron ariaan nighe igham eez eta ivot, leso nilat nighit gham muul, ve nipalot ghuruun il tsiam. Ve isaav ighe yam ambool pa ŋgar siriv, mako nipaghazonja gham pani. *

Paulus ighason Maaron to ipalot yes Tesalonika

11 Tauvene yau nasun Tamaan Maaron yesuru Tiina toit Yesu naghe tigham lemai eez, leso nilat tsiam. **12** Ve naghe Tiina toit ipalot gham, leso lolomim pa taumim, ve lolomim pa tamtampon tisov. Naghe ŋgar tane ivot imin tiina le raraate imin yei lolomai payam. *

13 Leso ŋgar patabuyaan to Maaron igheen ariaan ilia lolomim. Ve saawe tau Tiina toit Yesu imuul ilam tomania tamtampon tooni patabuyaanja tisov,

* **3:6:** Mban 18:5 * **3:10:** Ro 1:10+ * **3:12:** 1Pe 1:22

ve Yam ayooz ila Tamaan Maaron naagho to iga-biiiz gham, iaat ighit gham ighe Yam lemim sosor eta mako. *

4

Taghur boog sov

¹ Aiyo, Yam toηvetaz, yau naghe nasavia saveenj tane, ve isov. Ngar tau Maaron loolo pani na, yei nisavia payam gha awataghi wa. Tauta laghoon tsiam, Yam aat ataghon ɳgar tana. Ve aazne, nighe niplat gham pani muul ila Tiina toit Yesu eeza, leso ataghoni le ataghoni kat. *

² Tutuuŋ tau nisavi zi payam ila Tiina toit Yesu eeza na, Yam awataghiir zi wa. ³ Maaron ighe Yam ataghon ɳgar patabuyaan imin i tauu. Tauvene ɳgar to ghuruuŋ boog, Yam aleep soghan pani. *

⁴ Yam tamtammon enjaenja, aat matamim injal tau-mim azuwamimja ve aleep tomani zi. Leso ataghon ɳgar patabuyaan tau poia ila Maaron maata, ve tamtammon matazi paam. *

⁵ Yes tau tiwatagh Maaron mako na, matazi saghati, ve monmon ghaara toozi ipapazaagh zi. Yam ataghon zi pa ɳgar toozi tawe sov. *

⁶ Aghita. Isaav ighe aghur boog pa toηvetaz tsiam azuwazŋa, Yam agham sosor pa toηvetaz tsiam tana, ve agham karom pazi. Tamtammon tisov tau

* **3:13:** 1Kor 1:8+; 1Tes 5:23 * **4:1:** Kol 1:10 * **4:3:**
1Kor 6:18; 2Kor 7:1; Ep 5:3 * **4:4:** Eez ite to tatoor ziiri tane
ene vene: "Yam tamtammon enjaenja, aat matamim injal tau-mim, ve
anjin ghaara tsiam poi. Leso ataghon ɳgar patabuyaan tau poia ila
Maaron maata, ve ila tamtammon matazi paam." * **4:5:** Ep 4:17+;
Kol 3:5

ighe tigham sosor tauvene, Tiina toit pale ighur atuya pazi. Saveenja, yei nisavia payam gha alooŋa wa. Pa muuŋ, nisaav ariaan payam pa ŋgar tane.
*

⁷ Maaron ipoi ghiit tamin le to tagham ŋgar saghati mako. I ighe tataghon ŋgar ŋgalaanja ve ŋgar patabuyaan imin i tauu. *

⁸ Tauvene isaav ighe ŋneer eta izoor saveen tane, ene izoor saveen to tamtammon mako. I izoor Maaron tau igham Avuvu Patabuyaan payam ne aliŋa. *

Loloon pa tamtammon

⁹⁻¹⁰ Ve ŋgar to loloon pa toŋvetaz to Krisi, lemai saveenj eta to niboode payam mako. Pasaa, Maaron tauu ipaghazonjai gham pa ŋgar tane gha aghazooŋ pani wa. Tauta lolomim igheen to toŋvetaz tisov to Krisi tau tileep irau taan sirivu to Masedonia na. Eemon nighe nipalot gham pani muul, leso ŋgar tane ivot imin tiina kat ila sosomim. *

Taleep ila tamtammon siriv nimazisov. Tauun tagham uraat.

¹¹⁻¹² Yam aat azuari gham pa taghoniij ŋgar marowa, ve matamim inŋgal uraat tsiam. Aleep ila tamtammon eta niima sov, ve alaagh soroksorok sov. Nimamim iyaryaan pa ghamuuŋ uraat, itaghon tutuuŋ tau muuŋ nisavia payam na. Leso

* **4:6:** Igham 20:14; Hib 13:4 * **4:7:** 1Pe 1:15+ * **4:8:** Lu 10:16; 2Kor 1:22; Ep 4:30 * **4:9-10:** Yo 15:12; Ep 5:2; 1Yo 3:11+

ambool pa gabua eta sov, ve gabuamim iduduunj ila yes tau tighur ila mako na matazi. *

Muleen to Tiina toit ve burigiin to yes mateegha

¹³ Yam tonjetaz, yes tau tighur ila to Krisi ve timaat na, yei nighe yam awatagh gabua tau pale ivot pazi. Leso agham ɳgar naol ve lolomim ipatajan kat pa mateegha tsiam imin yes tau tighur ila mako na sov. Yes tighurghur matazi pa burigiin to yes mateegha mako. Tauta isaav ighe toozi eta imaat, ene igham zi lolozi ipatajan kat. *

¹⁴ Eemon iit taghur ila taghe Yesu imaat ve iburig pa mateegh wa. Tauvene yes tau tighur ila tooni ve timaat na, Maaron pale ipaburigin zi ila Yesu tapiri, ve iyau zi gha yesja Yesu tizala tooni. *

¹⁵ Alooŋ. Ene Tiina toit Yesu tauu aliija ta nisavia payam: Saawe tau i imuul ilam, iit tau taleep mataan yaryaare ne, irau tamuuŋ pa yes mateegha mako. *

¹⁶ Pasaa, saawe tau Tiina toit Yesu ipul sambam ve izilam, Maaron pale isaav ariaan toman aliija tiina, ve daaba to yes aŋela iboob, ve tavuur to Maaron itaŋ. Mako yes tau timin Krisi le ve timaat na, tiburig imin maata. *

¹⁷ Mako tiyau iit tau taleep mataan yaryaare ne paam, tomania yes tau tiburig pa mateegh na, ve rekia mon tindai ghiit taloŋ tala taitai loolo ta saanja we. Leso taghita Tiina toit, ve itiŋa taleep taghon taghon gha ila. *

* **4:11-12:** Ep 4:28; 2Tes 3:10+; 1Pe 2:12 * **4:13:** Ep 2:12

* **4:14:** Yo 11:25; 1Kor 15:13+ * **4:15:** 1Kor 15:51+ * **4:16:**

Mt 24:30+; 2Tes 1:7+ * **4:17:** Yo 12:26, 14:2+

18 Tauvene matamim iŋgal saveenj tane, ve avapoloti gham pani.

5

Tagħaraat tauun ve tasajjan muleenj to Tiina toit

1 Yam toŋvetaz, saawe duduunj to Tiina toit imuul ilam, ene irau nibood saveenja eta payam mako.

2 Pasaa, taumim awatagh wa. Saawe to Tiina toit imuul ilam, ene pale ipateenj għiit imin umbuunja tau ilam pa mboej. *

3 Tamtamon pale tisaav tighe: “Aa, aazne taleep poia kat. Gabua eta irau ivagħamun għiit mako.” Pale tisavsaav tauvene, ve rekia mon patanjani tiina ivot pazi le ivagħamun zi kat. Pale ipateenj zi imin yavyavuunj tau ighamħam zilivaa pa popaān. Ve irau tighau pani mako.

4 Eemon yam toŋvetaz, aazne aleep ila ndoroom loolo mako. Tauvene saawe tana irau ipateenj għam imin umbuunja ne mako. **5** Pasaa, yam asov tamtamon to mataaz ve alaagh ila ghazooja to Maaron loolo. Iit tamin yes to mboej tau tileep ila ndoroom loolo ne mako. *

6 Tauvene iit tagħieen le loloon iveegħ imin tamtammon siriv sov. Tamamaat ve tanġin tauun poi. *

7 Iit tawatagh: Yes tau tigħieen na, tigħieen pa mboej. Ve yes tau tighun le tisagħħat na, tighun pa mboej. **8** Eemon iit, tamtamon to mataaz. Tauvene iit aat tanġin tauun poi. Ve tagħur ila ariaan, ve loloon pa Maaron ve tamtamon paam. Pa nġgar tauvene, ene imin gabua ariaanja to ipoong gargariin

* **5:2:** Mt 24:43, 25:13; 2Pe 3:10; Syg 3:3 * **5:5:** Ep 5:8+; 1Yo 1:7

* **5:6:** Mt 25:1-13; Ro 13:11+; Ep 5:14

pa zaab. Ve taghur mataan pa saawe to Maaron igham mulin ghiit ve taleep poi. Pa ɳgar tauvene, ene imin hat ariaanja to ipoon dabaan pa zaab. *

⁹ Aghita. Maaron ighur ghiit to aattyavyav tooni izaa toit mako. I ighur ghiit pataghaaq ighe igham mulin ghiit ila uraat to Yesu Krisi, leso taleep poi. *

¹⁰ Krisi igham niaan ve imaat pait, leso igham ghiit tala taleep tomania. Tauvene saawe to muleen tooni, isaav ighe tamaat, ma taleep mataan yaryaare, ene i aat igham ghiit tala itiņa taleep. *

¹¹ Tauvene yam asov avapaloti gham ve apariaan zeetmimja pa ɳgar to Krisi, imin tau aazne yam aghamghamu ne. *

Tutuuŋ siriv

¹² Yam toŋvetaz, ɳginiiņa tsiam tighamgham uraat tiina ila yam sosomim, ve tipapaduduň gham leso ataghon duduňai Tiina toit ɳgar tooni. Tauvene yei nighason gham to atandagh pazi, ve aleep ila sambazi. ¹³ Apakur zi, ve lolomim pazi kat. Pa yes tighamgham uraat tiina payam. Ve yam asov alup lolomim imin eemon, ve aleep toman ɳgar luuma. *

¹⁴ Yam toŋvetaz, yei nighe nipalot gham pa ɳgar siriv. Yes tapirgomja tau tilepleep sorok na, yam asaav ariaan pazi to tigham uraat. Ve yes tau matazi roiroi, ma lolozi ipatajan, na apalot zi. Ve yes tau tapirizi imbool ve tirau uraat mako, na auul zi. Ve atotoi ɳgar marowa pa tamtammon tisov.

* **5:8:** Ep 6:13+ * **5:9:** Ro 5:9; 1Tes 1:10; 2Tes 2:13+ * **5:10:**

Ro 14:8+; 2Kor 5:15; 1Tes 4:14 * **5:11:** Hib 10:24+ * **5:13:**

1Tim 5:17; Hib 13:17

Isaav ighe tamtammon eta igham saghatin gham, na ayai gham ve abaado mon. *

15 Tauvene isaav ighe tamtammon eta igham ɳgar saghati payam, na ayatu sov. Saawe isov, atoova to atotoi ɳgar poia pa taumim ve tamtammon tisov. *

16 Lolomim poia irau saawe. *

17 Ve asuŋ irau saawe. Apuli sov. *

18 Saa gabua tau ighe ivot payam, na lolomim poia mon pa Maaron ve apaiti. Pa i ighe yam tau apaak Krisi ve aleep ila tooni na, agham tauvene. *

19 Arav matin yav to Avuvu Patabuyaŋ sov. * *

20 Ve Maaron aliija tau propet tooni tisavia payam na, aveleghi, ma aghita imin saveen̄ sorok sov.

21 Eemon yam aat agabiiz poghania saveen̄ ve ɳgar ta naol ne. Ighe popoia, na akis zi ve ataghon zi. *

22 Ve ɳgar sasaghati ta naol ne, aleep soghan pazi.

Paulus ipasov saveen̄ tooni

23 Maaron toit, i ɳgar luuma puughu, ve ingin ghiit taleep poia irau saawe. I tauu aat igham gham ataghon ɳgar patabuyaŋ mon. Ve ingin anunumim, lolomim ve ɳgar tsiam, tomania anoŋjamim, ve igham gham ataghon ɳgar poia mon

* **5:14:** Ga 6:2+; Kol 3:12; 2Tes 3:11+ * **5:15:** Mt 5:39+; Ro 12:17; 1Pe 3:9 * **5:16:** Pil 4:4 * **5:17:** Lu 18:1; Ro 12:12; Ep 6:18; Kol 4:2 * **5:18:** Ep 5:20; Kol 3:17 * **5:19:** Ziiri tane, ɳgara tauvene: Isaav ighe Avuvu Patabuyaŋ ipaburigin ghiit pa ghamuuŋ ɳgar eta, na taghamu mon. Tazoor ɳgar tooni sov. Ve isaav ighe i igham uraat tiina ila zetaanŋa siriv lolozi, ene paam, tayau avoon pazi sov. * **5:19:** Ep 4:30 * **5:21:** 1Kor 14:29;

le irau muleen to Tiina toit Yesu Krisi. Leso lemid
sosor eta ila i maata sov. *

²⁴ Maaron tau ipoi gham amin le na, i aat igham
tauvene. Pasaa, i aavo onoon, ve itataghon saveen
mbuaan tooni. *

²⁵ Yam tonjetaz, matamim iŋgal ghei, ve aghur
ghei ila sunjuun tsiam. *

²⁶ Atak tonjetaz to Krisi tisov nimazi, ve agham zi
toman lolomim poia. *

²⁷ Yau nasaav ariaan payam ila Tiina toit eeza:
Awaat rau tane pa tonjetaz toit tisov tau tighur ila
to Krisi na.

²⁸ Poia to Tiina toit Yesu Krisi izaa tsiam. Onoon.

* **5:23:** Ro 15:33; 1Kor 1:8+; 1Tes 3:13; 2Tes 3:16 * **5:24:** Pil 1:6;
2Tes 3:3 * **5:25:** Ro 15:30; Kol 4:3; 2Tes 3:1 * **5:26:** Ro 16:16

**Maaron Saveen Tooni Patabuyaan
The New Testament and portions of the Old Testament
in the Tuam dialect of the Saveeng language of Papua
New Guinea. The Saveeng language is also called the
Mutu language.**

**Sampela hap Buk Baibel long tokples Saveeng Tuam
long Niugini.**

copyright © 2011 Wycliffe Bible Translators, Inc.

Language: Saveeng (Mutu)

Dialect: Tuam

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

PDF generated using Haiola and XeLaTeX on 11 Nov 2022 from source files
dated 9 Oct 2020

adb844f0-d769-5b05-9dd0-7c01fca938bb